

Oqaluuserisassanut nassuiaat

(Inatsisartut Siulittaasuat)

Oqaluuserisassat ulloq 26. marts tamanut saqqummiunneqarput, tamatumalu kingorna naleqqussarneqarlutillu nutarterneqarsimallutik. Inatsisartunut ilaasortat, Naalakkersuisut partiilluunniit oqaluuserisassat allanngortinneqarnissaannik oqaaseqarfiginissaannilluunniit kissaateqarunik, Inatsisartut ataatsimiinnissaat kingusinnerpaamik sapaatit akunneranik ataatsimik sioqqullugu, siulittaasoqarfirmut saaffiginninnissaannik qinnuigineqarsimapput.

Inuit Ataqtigiiit oqaluuserisassani immikkoortut 96: Immap naqqani aatsitassarsiorneq pillugu apeqquteqaat aallaavigalugu oqallinnissamik siunnersuut.

Inatsisartunut ilaasortaq Pipaluk Lynge, Inuit Ataqtigiiit

aamma

Immikkoortoq 98: Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat 31.08. 2021-imeersup sukaterneqarsinnaaneramik meeqqallu angerlarsimaffiup ulloq unnuarlu angerlarsimaffimmut inissinneqarsimasut atugaasa ukkatariaqarnerunissaat siunertaralugu apeqquteqaat aallaavigalugu oqallinnissamik siunnersuut.

Inatsisartunut ilaasortat Paarma Lund Kreutzmann aamma Iddimangiiu Bianco Jensen, Inuit Ataqtigiiit

oqaluuserisassanit tunuartippaat.

Naalakkersuisut oqaluuserisassani immikkoortut 160: Uunga siunnersuut: Peqqinnissaqarfiup aqunneqarnera, aqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaata allanngortinnissaa pillugu Inatsisartut inatsisaat (Pinnerisaallutik passussisartut malittarisaliunneqarnissaannut inatsit tunngavissaq)

Peqqissutsimut inunnullu Innarluutilinnut Naalakkersuisoq

aamma

Immikkoortoq 22: Uunga siunnersuut: Nunanit allanit aningaasaliinerit ilaasa misissorneqartarnissaat pillugit Inatsisartut inatsisaat

Inuussutissarsiornermut, Aatsitassanut, Nukissiutinut Inatsisit Atuutsinneqarnerannullu Naalakkersuisoq

oqaluuserisassanit tunuartippaat.

Immikkoortut oqaluuserisassanit peerneqarput.

Tamatumap saniatigut Naalakkersuisut immikkoortoq 18 aappassaaneernejarnissaata siartinnissaa qinnutigivaat- imikkoortoq ima qulequtaqarpoq: Naalagaaffiit Peqatigiiit Sorsutsaaliuisutut

ataatsimiittartuisa aalajangersaaneri malillugit, pinerliiniarnernut aningaasalersuinerit aamma Koreap Avannarliup (DPRK-p) atomimut programmiliaat pillugu inunnut, eqimattakkuutaanut, immikkoortortaqqarfinnut aamma sullissivinnut aningaasaqarnermut tunngasut ilaannut killiliisumik iliuuseqarnerit pillugit Kalaallit Nunaannut peqqussummut Namminersorlutik Oqartussat ilanngunnerat pillugu Inatsisartunut aalajangiiffigisassatut siunnersuut (Qulequtaa allangortitaq)

Aningaasaqarnermut Akileraartarnermullu Naalakkersuisoq

Immikkortoq taanna aappassaaneerneqartussanngorpoq 9.juni.

Aningaasaqarnermut Akileraartarnermullu Ataatsimiititaliap oqaluuserisassani immikkoortup 12-ip: Soraarnerussutisiaqalernissamut aqqissuussinerit peqataasussaataaneq pillugu Inatsisartut inatsisaata allangortinneqarnera pillugu Inatsisartut inatsisaat

Aningaasaqarnermut Akileraartarnermullu Naalakkersuisoq

aamma

Immikkoortup 13-ip: Aningaasarsianik akileraarutit pillugit Inatsisartut inatsisaata allangortinneqarneranik Inatsisartut inatsisissaattut siunnersuut

Aningaasaqarnermut Akileraartarnermullu Naalakkersuisoq

aappassaaneerneqarnissaasa kinguartinneqarnissaannik Siulittaasoqarfimmut qinnuteqarpoq.

Inatsisinut Ataatsimiititaliaq oqaluuserisassani immikkoortup 85-ip: Uunga siunnersuut:

Nalunaaquttap aalajangersarneqarnera pillugu Inatsisartut inatsisaata allangortinneqarneranik Inatsisartut inatsisaat

(Nalunaaquttat ingerlaqatigiiffiannut allamut ikaarsarneq, aasaanerani nalunaaquttap atorunnaarsinneqarnera)

Naleqqap Inatsisartunut ilaasortaatitai

aamma

immikkoortup 104-p: Uunga siunnersuut: Nalunaaquttap aalajangersarneqarnera pillugu Inatsisartut inatsisaata allangortinneqarneranik Inatsisartut inatsisaat

(Nalunaaquttat ingerlaqatigiiffiannut allamut ikaarsarneq, aasaanerani nalunaaquttap atorunnaarsinneqarnera)

Siumup inatsisartunut ilaasortaatitai

Aappassaaneerneqarnissaasa kinguartinneqarnissaannik qinnuteqarpoq.

Immikkoortut taakku sisamat maanna ulloq 5. maj aappassaaniigassanngortinneqarput ullorlu 15. maj pingajussaaneerneqassallutik.

Immikkortoq 17-ip aappassaaneernissaa sapaatip akunnerata tullianut kinguartinneqarpoq.

Immikkoortuq ima qulequtaqarpoq: Paasissutissanik qarasaasiatigut suliarinnittarfinnik angisuunik Kalaallit Nunaannut inissiinissaq nunani tamalaani ingerlatseqatigiiffinnut

pilerinartunngortinniarlugu naalakkersuinikkut suliniutinik sunik aallartitsisoqarsinnaanera pillugu nassuiaasioqqullugit Naalakkersuisut peqqunneqarnissaannik Inatsisartut aalajangiiffigisassaattut siunnersuut. Nassuiaat 1. januar 2027-utinnagu Inatsisartunut agguanneqassaaq.

Inatsisartunut ilaasortaq Jørgen Rosbach, Demokraatit

Taasisarnerit pillugit uku akornanni isumaqatigiissuteqartoqarpoq: